



Broj:02-04-3-250-1/22
Goražde, 28.02.2022. godine.

Na osnovu člana 69. stav (2.) tačka d) i člana 70. stav (4) Zakona o javnim nabavkama ("Službeni glasnik BiH" br.39/14) u postupku javne nabavke usluga za izradu izmjena Regulacionog plana „Rasadnik“ u Goraždu, putem konkurentskog zahtjeva za dostavljanje ponuda, na preporuku Komisije za javne nabavke, Gradonačelnik Grada Goražde, d o n o s i:

O D L U K U

o poništavanju postupka javne nabavke

I

Ovom Odlukom poništava se postupak javne nabavke usluge: LOT 1 - Izrada izmjena Regulacionog plana „Rasadnik“ u Goraždu iz razloga utvrđenih članom 69. stav (3) Zakona o javnim nabavkama Bosne i Hercegovine.

II

Ova Odluka će se objaviti na web stranici grada Goražde i istovremeno s upućivanjem ponuđačima koji su učestvovali u postupku javne nabavke, shodno članu 70.stav (6) i članu 71. stav (2) Zakona o javnim nabavkama.

O b r a z l o ž e n j e

Gradonačelnik Grada Goražde je dana 21.01.2022. godine donio Posebnu Odluku o pokretanju postupka javne nabavke usluga izrade izmjena Regulacionog plana „Rasadnik“ u Goraždu, broj 02-04-3-250/22, putem konkurentskog zahtjeva za dostavljanje ponuda. Procjenjena vrijednost javne nabavke bez PDV-a iznosi 8.000,00 KM.

Na osnovu navedene Odluke objavljeno je Obavještenje o nabavci broj: 413-7-2-4-3-11/22 dana 08.02.2022. godine na portalu javnih nabavki, te je tendersku dokumentaciju preuzelo ukupno 12 zainteresovanih ponuđača.

Komisija za provođenje procedure predmetne javne nabavke dostavila je ugovornom organu zapisnik o pregledu i ocjeni ponuda iz kojeg se vidi da su na raspisani postupak javne nabavke za LOT 1-Izrada izmjena Regulacionog plana „Rasadnik“ u Goraždu pristigle tri ponude i to od:

1. „ROUTING“ d.o.o. Banja Luka, čija je ukupna cijena ponude sa PDV-om 8.424,00 KM,
2. „IPSA INSTITUT“ d.o.o. Sarajevo, čija je ukupna cijena ponude sa PDV-om 9.243,00 KM,
3. „URBIS CENTAR“ d.o.o. Banja Luka, čija je ukupna cijena ponude sa PDV-om 8.424,00 KM.

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenog kriterija koji je ugovorni organ odredio u TD, Komisija je konstatovala da su ponuđači „ROUTING“ d.o.o. Banja Luka i „URBIS CENTAR“ d.o.o. Banja Luka, dostavili ponude sa istim cjenama koje su ujedno i niže od ponude „IPSA INSTITUT“ d.o.o. Sarajevo, pa u konkretnom slučaju, Komisija nije bila u mogućnosti rangirati dostavljene ponude, jer su dostavljene dvije ponude koje se mogu ocjeniti kao najpovoljnije po kriteriju najniža cijena.

Po mišljenju Komisije izbor između dvije takve ponude je nemoguć, jer bi u suprotnom značilo da je ugovor dodjeljen po kriteriju koji nije predviđen članom 64. Zakona o javnim nabavkama, pa je predložila ugovornom organu da se za LOT 1- Izrada izmjena Regulacionog plana „Rasadnik“ u Goraždu donese odluka o poništenju postupka javne nabavke.

U postupku donošenja ove Odluke, posebno su cijenjene činjenice da je Komisija pravilno i potpuno provela postupak, a u skladu sa ranije utvrđenom Tenderskom dokumentacijom.

Iz naprijed navedenih razloga, te primjenom odredaba člana člana 69. stav 3. Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5(pet) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponudачima 3x,
2. Službenoj Web stranici i
3. a/a.



GRADONAČELNIK

ERNEST IMAMOVIĆ